

慧日佛學班第 02 期

## 《大智度論》卷 8

〈初品中放光釋論第十四之餘〉  
(大正 25, 114c5-121b13)

釋厚觀 (2007.04.14)

### 參、佛八現神力<sup>1</sup>

(壹) 出身分光 (承上卷 7 (大正 25, 113a9-114b19))

(貳) 出毛孔光 (承上卷 7 (大正 25, 114b20-c1))

(參) 示丈光相 (常光) (卷 8 (大正 25, 114c11-115a3))

【經】爾時，世尊以常光明遍照三千大千世界，亦至東方如恒河沙等諸佛世界，乃至十方亦復如是。若有眾生遇斯光者，必得阿耨多羅三藐三菩提。

### 【論】

#### ※ 上已出身分光、毛孔光，今何以復放常光

問曰：上已舉身微笑及放毛孔光明，今何以復放常光而照十方？

答曰：

#### 一、有人見異光明，謂非佛光；見佛常光，謂此是真實佛光

有人見異光明，謂非佛光。見佛常光<sup>2</sup>轉大，心則歡喜，此實佛光，便畢<sup>3</sup>至阿耨多羅三藐三菩提。

#### ※ 釋「常光」

問曰：云何為常光？

答曰：佛身四邊各一丈光明，菩薩生便有此，是三十二相之一，名為丈光相<sup>4</sup>。

#### ※ 佛光常一丈之理由

問曰：佛何以故光常一丈而不多？

答曰：一切諸佛常光無量，常照十方世界。

釋迦牟尼佛神通身光無量，或一丈、百丈、千<sup>5</sup>萬億，乃至滿三千大千世界；

<sup>1</sup> 《般若經》中八現神力：一、出身分光，《大智度論》卷 7 (大正 25, 113a9-114b19)。二、出毛孔光，《大智度論》卷 7 (大正 25, 114b20-c1)。三、示丈光相，《大智度論》卷 8 (大正 25, 114c11-115a3)，四、現舌相光，《大智度論》卷 8 (大正 25, 115a4-116c6)，五、地六震動，《大智度論》卷 8 (大正 25, 116c7-121b12)，六、現尊特身，《大智度論》卷 9 (大正 25, 121b21-122b16)，七、示現常身，《大智度論》卷 9 (大正 25, 122b17-123c10)，八、放光令見，《大智度論》卷 9 (大正 25, 123c11-124a9)。(印順法師，《大智度論筆記》[A003] p.6)

<sup>2</sup> 二種光：神通光、常光。常光實無量。(印順法師，《大智度論筆記》[C019] p.218)

<sup>3</sup> 畢=必【元】【明】【聖】【石】。(大正 25, 114d, n.18)

畢：14.通“必”。一定。(《漢語大詞典》(七)，p.1319)

<sup>4</sup> 《大智度論》卷 4：「丈光相：四邊皆有一丈光，佛在是光中端嚴第一，如諸天諸王寶光明淨。」(大正 25, 90c8-10)

參見 Lamotte (1944, p.454, n.1)：《過去現在因果經》卷 1：「十五者，身光面一丈。」(大正 3, 627b6-7)。

<sup>5</sup> 千+(丈)【宋】【元】【明】【宮】。(大正 25, 114d, n.19)

乃至十方，如諸佛常法。但於五濁世為眾生少德、少智故，受一丈光明；若受多光，今眾生薄福鈍根，目不堪其明。如人見天身眼則失明，以光盛眼微故。若眾生利根福重，佛則為之現無量光明。

### 二、有人見佛常光歡喜得度

復次，有人見佛常光歡喜得度。譬如國王以常食之（115a）餘賜諸群下，得者大喜。佛亦如是，有人見佛種種餘光心不歡喜，見佛常光，必至阿耨多羅三藐三菩提。

### （肆）現舌相光（卷 8（大正 25，115a4-116c6））

【經】爾時，世尊出廣長舌相，遍覆三千大千世界，熙怡<sup>6</sup>而笑。從其舌根出無量千萬億光，是一一光化成千葉金色寶華。是諸華上，皆有化佛結加趺坐，說六波羅蜜；眾生聞者，必得阿耨多羅三藐三菩提。復至十方如恒河沙等諸佛世界，皆亦如是。

### 【論】

#### 一、釋「世尊出廣長舌」

問曰：如佛世尊大德尊重，何以故出廣長舌，似如輕<sup>7</sup>相？

答曰：上三種放光<sup>8</sup>，照十方眾生令得度脫。今欲口說摩訶般若波羅蜜；摩訶般若波羅蜜甚深，難解、難知、難可信受，是故出廣長舌為證。舌相如是，語必真實。

如昔一時佛於舍婆提<sup>9</sup>國受歲竟，阿難從佛遊行諸國，欲到婆羅門城。

婆羅門城王知佛神德，能化眾人感動群心，今來到此，誰復樂我？便作制限：

「若有與佛食、聽佛語者，輸<sup>10</sup>五百金錢。」

作制限後，佛到其國，將<sup>11</sup>阿難持鉢入城乞食。城中眾人皆閉門不應，佛空鉢而出。

是時，一家有一老使人<sup>12</sup>，持破瓦器盛臭瀝<sup>13</sup>，出門棄之；見佛世尊空鉢而來。老使人見佛相好：金色、白毛<sup>14</sup>，肉髻、丈光，鉢空無食。

<sup>6</sup> 熙怡：和樂，喜悅。（《漢語大詞典》（七），p.221）

<sup>7</sup> （1）輕：7.輕佻。（《漢語大詞典》（九），p.1257）

（2）輕佻（去一么）：亦作“輕窳”。1.謂行動不沉着，不穩重。2.謂言語舉動不莊重，不嚴肅。（《漢語大詞典》（九），p.1263）

<sup>8</sup> 參見釋厚觀、郭忠生合編，〈《大智度論》之本文相互索引〉，《正觀》（6），p.27；三種放光：1、出身分光，2、出毛孔光，3、示丈光（常光）。參見《大智度論》卷 7（大正 25，114c）。

<sup>9</sup> 婆提=衛【聖】【石】。（大正 25，115d，n.9）

<sup>10</sup> 輸：2.交出；獻納。9.罰役。（《漢語大詞典》（九），p.1301）

<sup>11</sup> 將：9.帶領。（《漢語大詞典》（七），p.805）

<sup>12</sup> 使人：傭人，奴僕。（《漢語大詞典》（一），p.1326）

<sup>13</sup> （1）瀝淀=潘澱【元】【明】，=糝淀【聖】。（大正 25，114d，n.11）

（2）瀝：同“潘”。淘米水。（《漢語大字典》（三），p.1793）

（3）潘（彡弓）：1.淘米水。（《漢語大詞典》（六），p.142）

（4）淀（彡一弓、）：2.同“澱”。淤積，沉澱。（《漢語大詞典》（五），p.1418）

<sup>14</sup> 毛=毫【元】【明】。（大正 25，114d，n.12）

見已思惟：「如此神人應食天廚，今自降身<sup>15</sup>持鉢行乞，必是大慈愍一切故。」信心清淨，欲好供養，無由<sup>16</sup>如願。慚愧白佛：「思欲設供，更不能得，今此弊食，佛須者可取！」

佛知其心信敬清淨，伸手以鉢受其施食；佛時即笑，出五色光，普照天地，還從眉（115b）間相入。

阿難合掌長跪白佛：「唯然！世尊！今笑因緣，願聞其意！」

佛告阿難：「汝見老女人信心施佛食不？」

阿難言：「見。」

佛言：「是老女人施佛食故，十五劫中天上人間受福快樂，不墮惡道；後得男子身，出家學道，成辟支佛，入無餘涅槃。」

爾時佛邊有一婆羅門立，說偈言：

「汝是日種<sup>17</sup>剎利姓，淨飯國王<sup>18</sup>之太子，而以食故大妄語，如此臭食報何重？」是時，佛出廣長舌，覆面上至髮際，語婆羅門言：「汝見經書頗有如此舌人而作妄語不？」

婆羅門言：「若人舌能覆鼻，言無虛妄，何況乃至髮際？我心信佛必不妄語，不解小施報多如是！」

佛告婆羅門：「汝頗<sup>19</sup>曾見世所希有難見事不？」

婆羅門言：「見！我曾共婆羅門道中行，見一尼拘盧陀<sup>20</sup>樹，蔭覆賈客五百乘車，蔭猶不盡，是謂希有難見事也！」

佛言：「此樹種子，其形大小？」

答言：「大如芥子三分之一。」

佛言：「誰當信汝言者？樹大乃爾，而種子甚小！」

婆羅門言：「實爾！世尊！我眼見之，非虛妄也。」

佛言：「我亦如是，見老女人淨信心施佛<sup>21</sup>，得大果報，亦如此樹，因少報多；又是如來福田良美之所致也。」

婆羅門心開意解，五體投地悔過向佛：「我心無狀<sup>22</sup>，愚不信佛。」

<sup>15</sup> 降身：降低身份。（《漢語大詞典》（十一），p.965）

<sup>16</sup> 無由：沒有門徑，沒有辦法。（《漢語大詞典》（七），p.105）

<sup>17</sup> 《釋氏要覽》卷上：「別姓有五。我佛釋迦於三阿僧祇劫修六度萬行因，或實報，或示化，各隨物類別名氏也。一、瞿曇氏……，二、甘蔗氏……，三、日種氏……，四、舍夷氏……，五、釋迦氏。」（大正 54，258b2-c5）

<sup>18</sup> 據《釋迦譜》卷 1 記載，四王指淨飯王、白飯王、斛飯王、甘露飯王，同出於師子頰王。淨飯王生長子悉達多（即釋迦牟尼佛），次子難陀。（大正 50，3a18-b12）

<sup>19</sup> 頗（ㄉㄛˊ）：13.與“不”、“無”、“否”等配合，表示疑問。三國魏曹丕《與吳質書》：“頃何以自娛，頗復有所述造不？”（《漢語大詞典》（十二），p.286）

<sup>20</sup> 尼拘盧陀，又名尼拘律陀，尼拘律樹、尼拘盧樹、尼俱陀。

梵語 nyagrodha (nyag-rodha, √rudh = ruh), "growing downwards" the Banyan or Indian fig-tree, Ficus Indica,「向下生長」之意，即榕樹。

<sup>21</sup> 〔佛〕—【宋】【元】【明】【宮】。（大正 25，115d，n.16）

<sup>22</sup> 狀=伏【石】。（大正 25，115d，n.17）

無狀：3.謂行為失檢，沒有禮貌。（《漢語大詞典》（七），p.121）

佛為種種說法，得初道果；即時舉手大發聲言：「一切眾人！甘露門開，如何不出！」

城中一切諸婆羅門，皆送五百金錢與王，迎佛供養，皆言：「得甘露味，誰當惜此五百金錢！」眾人皆去，制限法破。

是婆羅門王亦共臣民（115c）歸命佛法，城<sup>23</sup>人一切皆得淨信。

如是佛出廣長舌相，為不信者故。

### 二、釋「舌相光明遍覆三千大千世界」

問曰：如為婆羅門出舌相覆面，今舌相光明，何以乃至三千大千世界？

答曰：覆面髮際，為小信故；今為般若波羅蜜大事興故，廣長舌相覆三千大千世界。

#### ※ 云何此世界及他方世界大眾能見舌相遍覆三千大千世界

問曰：是一城中人，盡得見此覆面舌相，猶尚為難；何況今說摩訶般若波羅蜜，一切大會，此及他方無量眾集而得盡見？

又以人目所覩<sup>24</sup>不過數里，今言遍三千大千世界，無乃<sup>25</sup>大而難信！

答曰：佛以方便，借其神力，能令一切皆見舌相覆此三千大千世界。若不加神力，雖復十住亦不知佛心；若加神力，乃至畜生能知佛心。<sup>26</sup>

如《般若波羅蜜》後品<sup>27</sup>中說：「一切眾人皆見阿闍佛會，與眼作對。」

亦如佛說阿彌陀佛世界種種嚴淨。阿難言：「唯願欲見。」佛時即令一切眾會皆見無量壽佛世界嚴淨。<sup>28</sup>

見佛舌相，亦復如是。

### 三、釋「熙怡而笑」

佛以廣長舌相遍覆三千大千世界已，然後便笑。笑因緣，如上說。<sup>29</sup>

### 四、釋「舌根復放光明」

問曰：前已出舌相光明，今何以故舌根<sup>30</sup>復放光明？

答曰：欲令一切得重信故。

又以舌相色如珊瑚，金光明淨，共相發起，故復放光。

復次，是諸光明變成千葉金色寶華。從舌相<sup>31</sup>出此千葉金色寶華，光明徹照，如日初出。

<sup>23</sup> 城+（中）【宋】【元】【明】【宮】【聖】【石】。（大正 25，115d，n.18）

<sup>24</sup> 覩=見【聖】【石】。（大正 25，115d，n.19）

<sup>25</sup> 無乃：相當於「莫非」、「恐怕是」，表示委婉測度的語氣。（《漢語大詞典》（七），p.99）

<sup>26</sup> 佛意難知。不加神力十住不知，加以神力畜生能了。（印順法師，《大智度論筆記》〔C019〕p.218）

<sup>27</sup> 參見釋厚觀、郭忠生合編，〈《大智度論》之本文相互索引〉，《正觀》（6），p.27：《摩訶般若波羅蜜經》卷 20〈66 累教品〉（大正 8，363b-c）。

<sup>28</sup> 佛加阿難令見無量壽佛世界。（印順法師，《大智度論筆記》〔I027〕p.438）

《佛說無量壽經》卷下（大正 12，277c26-278a10）。

<sup>29</sup> 參見《大智度論》卷 7（大正 25，112c-113a）。

<sup>30</sup> 根=相【宋】【宮】。（大正 25，115d，n.20）

**五、釋「光化成千葉金色寶華」****(一) 何故光明中化作寶華**

問曰：何以故光明中變化作此寶華？

答曰：佛欲坐故。

**(二) 諸床可坐，佛為何以蓮華為座**

問曰：諸床<sup>32</sup>可坐，何必蓮華？

答曰：

**1、床為白衣坐法，佛欲現神力故坐蓮華上而華不壞**

床為世界白衣坐法。

又以蓮華軟淨，欲現神力，能坐其上令花<sup>33</sup>不壞故；又以莊嚴妙法座故。

又以諸華皆小，無如此華香淨大者。人（116a）中蓮華，大不過尺；漫陀耆尼池及阿那<sup>34</sup>婆達多池中蓮華，大如車蓋；天上寶蓮華復大於此，是則可容結加趺坐。佛所坐華，復勝於此百千萬倍。

又如此華<sup>35</sup>華臺，嚴淨香妙可坐。

**2、梵天王坐蓮華上，諸佛隨世俗故亦以蓮華為座**

復次，劫盡燒時，一切皆空；眾生福德因緣力故，十方風至，相對相觸，能持大水；水上有一千頭人，二千手足，名為韋紐（Viṣṇu）<sup>36</sup>；是人臍中出千葉金色妙寶蓮花，其光大明，如萬日俱照；華中有人結加趺坐，此人復有無量光明，名曰梵天王；此梵天王心生八子，八子生天地人民。是梵天王於諸姪瞋已盡無餘，以是故言：「若有人修禪淨行，斷除姪欲，名為行梵道。」佛轉法輪，或名法輪，或名梵輪。是梵天王坐蓮華上，是故諸佛隨世俗故，於寶華上結加趺坐，說六波羅蜜。聞此法者，畢至阿耨多羅三藐三菩提。<sup>37</sup>

**六、釋「諸華上皆有化佛結加趺坐，說六波羅蜜」****(一) 無量化佛一時能說法**

問曰：釋迦文尼佛化作無量千萬億諸佛，云何一時能說法耶？

如《阿毘曇》<sup>38</sup>說：「一時無二心。」若化佛語時，化主應默；化主語時，化亦應默<sup>39</sup>。云何一時皆說六波羅蜜？

<sup>31</sup> 相＝根【石】。（大正 25，115d，n.21）

<sup>32</sup> 床：2.供人睡臥的傢具。3.古代坐具。《禮記·內則》：“父母舅姑將坐，奉席請何鄉；將衽，長者奉席請何趾，少者執床與坐。”陳澧集說：“床，《說文》云：‘安身之几坐。’非今之臥床也。”（《漢語大詞典》（三），p.1208）

<sup>33</sup> 〔花〕－【宋】【元】【明】【宮】。（大正 25，115d，n.23）

<sup>34</sup> 那＝婆【聖】。（大正 25，116d，n.1）

<sup>35</sup> 華＝蓮【元】【明】。（大正 25，116d，n.2）

<sup>36</sup> 世界初成：韋紐生梵天，天生八子萬物。（印順法師，《大智度論筆記》〔A056〕p.93）

<sup>37</sup> 參見《雜譬喻經》（大正 4，529b9-19）。

<sup>38</sup> 《阿毘達磨大毘婆沙論》卷 149：「為遮彼執，顯無二心俱行。」（大正 27，719c3-4）

<sup>39</sup> 二乘差別。主化語默同不同，化能不能化，能不能留化。（印順法師，《大智度論筆記》〔C010〕p.200）

答曰：如此說者，外道及聲聞變化法耳。

**1、辨「外道、聲聞變化」與「佛變化」之差異**

**(1) 佛三昧力不可思議，佛自語時，無量化佛亦一時皆語**

如佛變化，無量三昧力不可思議，是故佛自語時，無量千萬億化佛亦一時皆語。

**(2) 佛化復能作化**

又諸外道及聲聞，化不能作化；如佛世尊，化復作化<sup>40</sup>。

**(3) 佛身滅度復能留化**

諸外道及聲聞，滅後不能留化；如佛世尊自身滅度後，復能留化如佛無異。

**2、化佛語時亦不有心，佛欲令化佛語時即便皆語**

復次，《阿毘曇》中，「一時無二心」；今佛亦如是，當化語時，亦不有心；佛心念化，欲令化語即便皆語。

**(二) 佛欲說般若，何故令化佛說六度**

問曰：佛今欲說般若波羅蜜，何以令化佛說六波羅蜜？（116b）

答曰：

**1、般若與六度一法無異**

是六波羅蜜及般若波羅蜜，一法無異。是五波羅蜜不得般若波羅蜜，不名波羅蜜<sup>41</sup>。如檀波羅蜜，不得般若波羅蜜，沒在世界有盡法中，或得阿羅漢、辟支佛道般涅槃；若得般若波羅蜜共合，是名波羅蜜，能至佛道。以是故般若波羅蜜與六波羅蜜，一法無異。

**2、五度莊嚴般若**

般若波羅蜜有二種：一者莊嚴，二者未莊嚴。<sup>42</sup>如人著好瓔珞莊嚴其身，有人不著，名未莊嚴。亦如國王將諸官<sup>43</sup>從，是名王來；若無官從，是名獨身。

**七、釋「復至十方如恒河沙等諸佛世界，皆亦如是」**

如是東方如恒河沙等世界，乃至十方亦爾。

**(一) 佛有如是大神力，應度盡一切眾生**

問曰：若佛有如是大神力，無數千萬億化佛，乃至十方說六波羅蜜度脫一切，應盡得度，不應有殘<sup>44</sup>！

答曰：有三障：

<sup>40</sup> 《中論》卷 3〈15 觀有無品〉：「如世尊神通，所作變化人，如是變化人，復變作化人。」（大正 30，23b27-28）

另參見《大毘婆沙論》卷 135（大正 27，699a），普光述，《俱舍論記》卷 27（大正 41，415a）。

<sup>41</sup> 《摩訶般若波羅蜜經》卷 21：「譬如轉輪聖王，若無輪寶，不得名為轉輪聖王，輪寶成就故，得名轉輪聖王。五波羅蜜亦如是，若離般若波羅蜜，不得波羅蜜名字，不離般若波羅蜜故，得波羅蜜名字。」（大正 8，368c25-369a1）

另參見《大般若波羅蜜多經》卷 460（大正 7，322b29-c4）。

<sup>42</sup> 般若：莊未莊嚴二種般若。（印順法師，《大智度論筆記》〔C004〕p.187）

<sup>43</sup> 官=營【元】【明】【聖】【石】。（大正 25，116d，n.7）

<sup>44</sup> 殘：8.剩餘，殘存。（《漢語大詞典》（五），p.167）

三惡道中眾生不能解知；  
人中、天上，若大<sup>45</sup>小，若大老，若大病；  
及上無色、無想天——皆不能聞、不能知。

**〔二〕能聞知佛說法之眾生，為何不盡得道**

問曰：諸能聞、能知者，何以不皆得道？

答曰：是亦不應盡得道。何以故？結使、業障故。有人於結使重，常為結使覆心，以是故不盡得道。

**〔三〕十方諸佛遣化佛至各地說法，我等無三障，何以不聞**

問曰：當今<sup>46</sup>十方諸佛，亦應遣化說六波羅蜜，我等亦無三障，何以不聞？

答曰：當今眾生，生在惡世，則入三障中！

生在佛後，不善業報，或有世界惡罪業障，或有厚重結使障。

墮在佛後，人多為厚重結使所障：或婬欲薄而瞋恚厚，瞋恚薄而婬欲厚，婬欲薄而愚癡厚，愚癡薄而瞋恚厚，如是等展轉互有厚薄。是結使障故，不聞、不知化佛說法，不見諸佛光明，何況得道！

譬如日出，盲人不見，便謂世間無有日月，日有何咎！

又〔116c〕如雷電震地，聾人不聞，聲有何過！

今十方諸佛常說經法，常遣化佛至十方世界說六波羅蜜，罪業、盲聾<sup>47</sup>故，不聞法聲；以是故不盡聞、見。雖復聖人有大慈心，不能令皆聞、皆見。若罪欲滅、福將生者，是時乃得見佛聞法。

**〔伍〕地六震動（佛入師子遊戲三昧，地六震動，令眾生離苦得解脫）**（卷 8（大正 25，116c7-121b12））

**一、佛入師子遊戲三昧，以神通力令地六種震動**

【經】爾時，世尊故在師子座，入師子遊戲三昧<sup>48</sup>，以神通力感動三千大千世界，六種震動。

**【論】**

**〔一〕釋「師子遊戲三昧」**

**1、何故名「師子遊戲三昧」**

問曰：此三昧何以名師子遊戲？

答曰：

**〔1〕佛入此三昧，能自在轉地令六種震動**

譬如師子搏<sup>49</sup>鹿，自在戲樂；佛亦如是，入此三昧，能種種迴轉此地，令六反<sup>50</sup>震動。

<sup>45</sup> 大：太的古字。（《漢語大詞典》（二），p.1321）

<sup>46</sup> 今=今【宋】【元】【明】【宮】【聖】【石】。（大正 25，116d，n.10）

<sup>47</sup> 盲聾，眼瞎耳聾，亦喻愚昧無知。（《漢語大詞典》（七），p.1135）

<sup>48</sup> 師子遊戲三昧：能動大地，能安眾生。（印順法師，《大智度論筆記》〔A057〕p.97）

<sup>49</sup> 搏（ㄅㄛˊ）：1.捕捉。《詩·小雅·車攻》：“建旒設旒，搏獸于敖。”《周禮·地官·司獸》：“若不可禁，則搏而戮之。”孫詒讓正義：“搏，猶今言捕也。”（《漢語大詞典》（六），p.795）

<sup>50</sup> 反=種【石】。（大正 25，116d，n.17）

**〔2〕佛入此三昧，能令三惡道眾生皆得安隱**

復次，師子遊戲，譬如師子戲日，諸獸安隱；佛亦如是，入是三昧時，震動三千大千世界，能令三惡道眾生一時得息，皆得安隱。

**〔3〕佛入此三昧，能令地獄惡道眾生解脫生天**

復次，佛名人師子，師子遊戲三昧，是佛戲三昧也。入此三昧時，令此大地六種震動，一切地獄惡道眾生，皆蒙解脫得生天上，是名為戲。

**2、佛何故入師子遊戲三昧**

問曰：佛何以故入此三昧？

答曰：

**〔1〕欲令三惡道眾生出離故**

欲動三千大千世界，出三惡道眾生，著<sup>51</sup>二道<sup>52</sup>中故。

**〔2〕欲令眾生知佛神力無量，令皆離苦故**

復次，上三種變化<sup>53</sup>，出自佛身，人或信心不深；今動大地，欲令眾生知佛神力無量，能令外物皆動，信淨心喜，皆得離苦。

**〔二〕釋「佛以神通力感動三千大千世界，六種震動」**

**1、何故獨言是佛神力**

問曰：有諸阿羅漢及諸天亦能動地<sup>54</sup>，何以獨言是佛神力？

答曰：諸阿羅漢及諸天不能具足動，唯佛世尊能令大地六種震動。

**2、佛何故震動三千大千世界**

問曰：佛何以故震動三千大千世界？

答曰：

**〔1〕欲令眾生知一切皆空、無常故**

欲令眾生知一切皆空、無常故。有諸人言：「大地及日月、須彌、大海，是皆有常。」是以世尊六種動（117a）地，示此因緣，令知無常。

**〔2〕令眾生見佛神力，敬心柔軟故**

復次，如人欲染衣，先去塵土；佛亦如是，先令三千世界眾生見佛神力，敬心柔軟，然後說法，是故六種動地。

**二、釋「地六種震動」**

云何六種動<sup>55</sup>？

【經】東涌<sup>56</sup>西沒，西涌東沒；南涌北沒，北涌南沒；邊涌中沒，中涌邊沒。

<sup>51</sup> 著（ㄔㄨㄛˊ）：4.放置，安放，6.著落，歸屬。（《漢語大詞典》（九），p.430）

<sup>52</sup> 二道＝三道【宋】，＝二善道【元】【明】。（大正 25，116d，n.20）

<sup>53</sup> 三種變化：1、舌根出無量千萬億光，2、一一光化成千葉金色寶華，3、諸華上皆有化佛結加趺坐，說六波羅蜜。參見《大智度論》卷 8（大正 25，115a4-9）

<sup>54</sup> 三乘聖果不同：動地具不具足。（印順法師，《大智度論筆記》〔C008〕p.196）

<sup>55</sup> 〔云何六種動〕－【石】。（大正 25，117d，n.3）

<sup>56</sup> 涌＝踊【宋】【元】【石】下同。（大正 25，117d，n.4）

踊（ㄩㄥˋ）：5.引申為向上升起，冒出。（《漢語大詞典》（十），p.524）



## 【論】

【(一) 地動之種類<sup>57</sup>】

問曰：何以故正<sup>58</sup>有六種動？

答曰：地動有上、中、下。

下者，二種動：或東涌西沒，或南湧北沒，或邊中。

中者，有四：或東、西、南、北，或東、西、邊、中，或南、北、邊、中。

上者，六種動。

## 【(二) 地動之因緣】

## 【1、八種因緣令地震動】

有種種因緣令地大動，如佛告阿難：「八因八緣<sup>59</sup>，令地震動。」如別說。

## 【2、四種因緣令地震動】

復次，有人言：「四種地動：火動，龍動，金翅鳥動，天王動。」

## 【※ 二十八宿地動吉凶】

二十八宿<sup>60</sup>，月<sup>61</sup>月一周繞：

- (1) 若月至昴宿、張宿、氏宿、婁宿、室宿、胃宿，是六種宿中，爾時地動若崩，是動屬火神；是時無雨，江河枯竭，年不宜麥，天子凶，大臣受殃。
- (2) 若柳宿、尾宿、箕宿、壁宿、奎宿、危宿，是六種宿中，爾時，地動若崩，是動屬龍神；是時無雨，江河枯竭，年不宜麥，天子凶，大臣受殃。
- (3) 若參宿、鬼宿、星宿、軫宿、亢宿、翼宿，是六種宿中，爾時，若地動若崩，是動屬金翅鳥；是時無雨，江河枯竭，年不宜麥，天子凶，大臣受殃。
- (4) 若心宿、角宿、房宿、女宿、虛宿、井宿、畢宿、觜宿、斗宿，是九種宿中，爾時地動若崩，是動屬天帝；是時，安隱豐<sup>62</sup>雨，宜五穀，天子吉，大臣受福，萬民安隱。

<sup>57</sup> 地動：三品，四種，吉凶。

增信心，知無常。(印順法師，《大智度論筆記》〔C019〕pp.218-219)

<sup>58</sup> 正：37.副詞。正好，恰好。39.副詞。僅，只。南朝宋劉義慶《世說新語·自新》：“乃自吳尋二陸，平原不在，正見清河。”《北齊書·神武帝紀上》：“此正可統三千騎以還，堪代我主眾者唯賀六渾耳。”(《漢語大詞典》(五)，p.302)

<sup>59</sup> 佛告阿難地動八因八緣。(印順法師，《大智度論筆記》〔I027〕p.438)

《長阿含經》卷2《遊行經》：「佛告阿難：凡世地動有八因緣。何等八？夫地在水上，水止於風，風止於空，空中大風有時自起，則大水擾，大水擾則普地動，是為一也。復次，阿難！有時得道比丘、比丘尼及大神尊天，觀水性多，觀地性少，欲知試力，則普地動，是為二也。復次，阿難！若始菩薩從兜率天降神母胎，專念不亂，地為大動，是為三也。復次，阿難！菩薩始出母胎，從右脇生，專念不亂，則普地動，是為四也。復次，阿難！菩薩初成無上正覺，當於此時地大震動，是為五也。復次，阿難！佛初成道轉無上法輪，魔、若魔、天、沙門、婆羅門、諸天、世人所不能轉，則普地動，是為六也。復次，阿難！佛教將畢，專念不亂，欲捨性命，則普地動，是為七也。復次，阿難！如來於無餘涅槃界般涅槃時，地大振動，是為八也。」(大正1，15c28-16a15)

<sup>60</sup> 印順法師，《大智度論》(標點本)，p.297：「四種地動中二十八宿僅有二十七，少一牛宿。」關於「二十八宿」，參見《大方等大集經》卷20(大正13，138c18-140a2)。

<sup>61</sup> 月=日【宋】【元】【明】【宮】。(大正25，117d，n.7)

<sup>62</sup> 豐=風【元】【明】。(大正25，117d，n.9)

**3、佛初生時、初成佛時、將滅度時、佛欲大集眾生時皆地動**

復次，地動因緣有小有大，有動一閻浮提，有動四天下、一千<sup>63</sup>、二千、三千大千世界。

小動以小因緣故：若福德人若生若死，一國地動，是為小動。

大動大因緣故：如佛初生（117b）時、初成佛時、將滅度時，三千大千世界皆為震動，是為大動。今佛欲大集眾生故，令此地六種震動。

**4、菩薩得授記將來作佛，地神大喜故地動**

復次，《般若波羅蜜》中授諸菩薩記，當得作佛；佛為天地大主，是時地神大喜：「我今得主！」是故地動。譬如國主初立，臣民喜慶，皆稱萬歲，踊躍歌舞。

**5、佛動世界令眾生知福德微薄，皆歸無常**

復次，三千大千世界眾生福德因緣故，有此大地山河樹木一切眾物，而眾生不知無常！是故佛以福德智慧大力，動此世界眾生福德，令知微薄，一切磨滅，皆歸無常。

**三、釋「地皆柔軟，令眾生和悅」**

【經】地皆柔軟，令眾生和悅。

【論】

問曰：地動，云何能令眾生心得和悅？

答曰：心隨身故，身得樂事，心則欣悅。悅者<sup>64</sup>，共住之人及便<sup>65</sup>身之具，能令心悅。

今以是三千大千世界雜惡眾生其心麤獷，無有善事；是故世尊動此大地，令皆柔軟，心得利益。

譬如三十三天王歡樂園<sup>66</sup>中，諸天人者，心皆柔軟，歡樂和悅，麤心不生；若阿修羅起兵來時，都無鬪心。

是時，釋提婆那民<sup>67</sup>將<sup>68</sup>諸天人眾入鹿澁園中，以此園中樹木華實氣不和悅，鹿澁惡故，諸天人眾鬪心即生。

佛亦如是，以此大地鹿澁弊惡故，變令柔軟，使一切眾生心得喜悅。

又如呪術藥草熏人鼻時，恚心便生，即時鬪諍；復有呪術藥草能令人心和悅歡喜，敬心相向。呪術草藥尚能如此，何況三千大千世界地皆柔軟？

<sup>63</sup>（一千……界）十字 =（有動小千國土有動二千國土有動三千大千國土）二十字【石】。（大正 25，117d，n.10）

<sup>64</sup>悅者 = 如【宮】。（大正 25，117d，n.12）

<sup>65</sup>便（ㄉㄨㄛˋ ㄇㄨㄛˋ）：1.安適，安寧。《楚辭·大招》：“魂乎歸徠，恣所便只。”王逸注：“便，猶安也。”（《漢語大詞典》（一），p.1360）

便身之具：即安身之具。

<sup>66</sup>三十三天：歡樂園，粗惡園。（印順法師，《大智度論筆記》〔A056〕p.93）

參見《起世經》卷 7（大正 1，342b18-22）。

<sup>67</sup>釋提婆那民：即釋提桓因，參見《大智度論》卷 54：「釋提桓因：釋迦，秦言能；提婆，秦言天；因提，秦言主。合而言之，釋提婆那民。」（大正 25，443b14-16）

<sup>68</sup>將：9.帶領，攜帶。（《漢語大詞典》（七），p.805）



## 2、明誰生誰死

### （1）世界法實有生死，實相法中無生死

譬如幻人相殺，人見其死；幻術令起，人見其生；生死名字，有而無實。世界法中實有生死，實相法中無有生死。<sup>76</sup>

### （2）生死人有生死，不生死人無生死

復次，生死人有生死，不生死人無生死。何以故？不生死人以大智慧能破生相。如說偈言：佛法相雖空，亦復不斷滅；（118a）雖生亦非常，諸行業不失。<sup>77</sup>

諸法如芭蕉，一切從心生；若知法無實，是心亦復空。

若有人念空，是則非道行；諸法不生滅，念有故失相。

有念墮魔網，無念則得出；心動故非道，不動是法印。

## 五、天人自識宿命而至佛所

【經】是諸天人自識宿命，皆大歡喜，來詣佛所，頭面禮佛足，却住一面。

### 【論】

#### （一）人云何能識宿命

問曰：諸天生時，有三事自知：知所從來處，知所修福田處，知本所作福德。<sup>78</sup>

是人生時，無此三事，云何識宿命？

答曰：人道不定，或有識者，有不識者。<sup>79</sup>

復次，假<sup>80</sup>佛神力，則識宿命。

#### （二）佛住處遠，人云何能至

問曰：諸天有報五神通，自識宿命能到佛所；人雖蒙佛神力得知宿命，所住處遠，云何能至佛所？

答曰：或有人生報得神通，如轉輪王、聖人等；或有人假佛神力。

#### （三）人初生時云何能即至佛所

問曰：人生十月，三年乳哺<sup>81</sup>，十歲後能自出。今蒙佛威神，三惡、八難皆得解脫，生天、人中，即至佛所。天則可爾，人法未成，云何得來？

答曰：

#### 1、有化生人即時長大，能到佛所

五道生法各各不同：

<sup>76</sup> 「一、世界法實有，實相法中無有無生死 二、生死人有，不生死人無

（印順法師，《大智度論筆記》〔A023〕p.44，〔C019〕p.219）

<sup>77</sup> 實相：（法相）空不斷，生非常，行業不失。（印順法師，《大智度論筆記》〔C003〕p.184）  
《中論》卷3〈15 觀有無品〉：「雖空亦不斷，雖有亦不常，業果報不失，是名佛所說。」（大正 30，22c21-22）

<sup>78</sup> 諸天生時三事自知：知來處，所修福田處，本作功德。（印順法師，《大智度論筆記》〔A056〕p.93）

<sup>79</sup> 天人報神通：諸天有，人或有。（印順法師，《大智度論筆記》〔A056〕p.93）

<sup>80</sup> 假：2.憑藉，依靠。（《漢語大詞典》（一），p.1572）

<sup>81</sup> 哺=哺【宋】【元】【明】【宮】。（大正 25，118d，n.18）

諸天、地獄皆化生。

餓鬼二種生：若胎、若化生。

人道、畜生四種生<sup>82</sup>：卵生、濕生、化生、胎生。<sup>83</sup>

(1) 卵生者，如毘舍佉、彌伽羅母三十二子（毘舍佉母生三十二卵，卵剖生三十二男，皆為力士。彌伽羅，大兒字也，此母人得三道果）——如是等名卵生<sup>84</sup>。

(2) 濕生者，如揜<sup>85</sup>羅婆利（揜<sup>86</sup>烏甘反）姪女，頂生轉輪聖王<sup>87</sup>——如是等名濕生。

(3) 化生者，如佛與四眾遊行，比丘尼眾中，有比丘尼名阿羅婆，地中化生；及劫初生時，人皆化生——如是等名為化生。

(4) 胎生者，如常人生。

化生（118b）人即時長大，能到佛所。

### 2、有人報得神通故，能到佛所

有人報得神通故，能到佛所。

### 3、借佛神通力故，能到佛所

復次，佛借神通力故，能到佛所。

## 六、十方如恒河沙等世界地皆震動，三惡八難即時解脫

【經】如是十方如恒河沙等世界，地皆六種震動；一切地獄、餓鬼、畜生及餘八難處，即得解脫，得生天上，齊第六天<sup>88</sup>。

### 【論】

#### （一）三千大千世界眾生甚多，何以復及十方如恒河沙等世界眾生

問曰：三千大千世界無量無數，眾生甚多，何以復及十方如恒河沙等世界眾生？

答曰：佛力無量，雖度三千大千世界眾生，猶以為少，以是故復及十方。

#### （二）若釋迦佛以大神力廣度十方，何須餘佛度眾

問曰：若釋迦文尼佛以大神力廣度十方，復何須餘佛？

<sup>82</sup> 人道有四種生，參見《大般涅槃經》卷 32：「一切眾生有四種生：卵生、胎生、濕生、化生。是四種生，人中具有。如施婆羅比丘、優婆施婆羅比丘、彌迦羅長者母、尼拘陀長者母、半闍羅長者母，各五百子同於卵生，當知人中則有卵生。濕生者，如佛所說：我於往昔作菩薩時、作頂生王及手生王，如今所說菴羅樹女、迦不多樹女，當知人中則有濕生。劫初之時，一切眾生皆悉化生。」（大正 12，559b19-26）

<sup>83</sup> 五道與四生相攝：天、獄化；鬼二；人、畜四。（印順法師，《大智度論筆記》〔A056〕p.93）關於四生，參見《長阿含經》卷 8《眾集經》（大正 1，50c8），《阿毘達磨大毘婆沙論》卷 120（大正 27，626c17-628a4），《瑜伽師地論》卷 2（大正 30，288b12-19），《阿毘達磨俱舍論》卷 8（大正 29，43c18-44a13）。

<sup>84</sup> 生+（人）【宋】【元】【明】【宮】【石】。（大正 25，118d，n.8）

<sup>85</sup> 揜=掩【宮】。（大正 25，118d，n.9）

<sup>86</sup> 〔揜烏甘反〕—【明】，揜+（音）【宋】【元】【宮】。（大正 25，118d，n.10）

<sup>87</sup> 《翻譯名義集》卷 6：「濕生者，如揜（音菴）羅婆利姪女，頂生轉輪聖王。又《涅槃》云，頂生王從頂皀生。」（大正 54，1165b20-22）

<sup>88</sup> 第六天即六欲天中之他化自在天。《大智度論》卷 9：「問曰：何以名他化自在。答曰：此天奪他所化而自娛樂，故言他化自在。」（大正 25，123a7-10）

答曰：

**1、眾生無量，不一時熟，又因緣各各不同故**

眾生無量，不一時熟故。又眾生因緣各各不同，如聲聞法中說：「舍利弗因緣弟子，除舍利弗，諸佛尚不能度，何況餘人？」<sup>89</sup>

**2、世界無邊無量故**

復次，今但說東方一恒河沙等，不說若二、三、四乃至千萬億恒河沙等諸世界。又以世界無邊無量，若有邊有量，眾生可盡。以是故，十方無量世界，諸佛應度。

**七、令一切眾生盲者得視，乃至形殘者得具足**

【經】爾時，三千大千世界眾生，盲者得視<sup>90</sup>，聾者得聽，啞者能言，狂者得正，亂者得定，裸者得衣，飢渴者得飽滿，病者得愈，形殘者得具足。

**【論】**

**※ 眾苦皆救，經中但略舉癩者**

問曰：眾生苦患有百千種，若佛神力，何以不遍令得解脫？

答曰：一切皆救，今但略說癩者；如種種結使，略說為三毒。

**（一）釋「盲者得視」**

問曰：但言「盲者得視」則足，何以故言「生盲」？

答曰：生盲者，先世重罪故。

**1、佛能令重罪者得視，何況輕者**

重罪者，猶尚能令得視，何況輕者？

**※ 失明因緣**

問曰：云何先世重罪而令<sup>91</sup>生盲？

答曰：

**（1）先世因緣**

若破眾生眼，若出眾生眼，若破正見眼，言無罪福，是人死墮地獄，罪畢為人，從生而盲。

若復盜佛塔中火珠及諸燈明，若阿（118c）羅漢、辟支佛塔珠及燈明，若餘福田中奪取光明。

如是等種種先世業因緣故失明。

**（2）今世因緣**

今世若病、若打故失明，是今世因緣。

<sup>89</sup> 佛不能度舍利弗弟子。（印順法師，《大智度論筆記》〔I027〕p.438）出處待考。

<sup>90</sup> 《光讚經》卷 1：「爾時此三千世界眾生之類，盲者得目而觀色像。」（大正 8，147c22-23）  
《放光般若經》卷 1：「爾時三千大千國土，諸盲者得視。」（大正 8，1c8-9）  
《大般若波羅蜜多經》卷 401（第二分）：「時此三千大千世界及餘十方殑伽沙等世界有情，盲者能視。」（大正 7，2b2-3）

<sup>91</sup> 令=今【石】。（大正 25，118d，n.19）

**2、九十六種眼病，唯佛世尊能令得視**

復次，九十六種眼病，闍那迦藥王<sup>92</sup>所不能治者，唯佛世尊能令得視。

**3、先令得視，後令得智慧眼**

復次，先令得視，後令得智慧眼。

**※ 聾、啞等亦如是**

聾者得聽，亦如是。

**(二) 釋「聾者得聽」**

**1、何故不說生聾**

問曰：若有生盲，何以不說生聾？

答曰：多有生盲，生聾者少，是故不說。

**2、聾之因緣**

問曰：以何因緣故聾？

答曰：

**(1) 先世因緣**

聾者，是先世因緣：師父教訓，不受不行而反瞋恚，以是罪故聾。

復<sup>93</sup>次，截眾生耳，若破眾生耳，若盜佛塔、僧塔、諸善人福田中撻稚<sup>94</sup>、鈴、貝及鼓，故得此罪。

如是等種種先世業因緣。

**(2) 今世因緣**

今世因緣，若病、若打，如是等是今世因緣得聾。

**(三) 釋「啞者能言」**

**※ 啞之因緣**

問曰：啞者不能言，作何等罪故啞？

答曰：先世截他舌，或塞其口，或與惡藥令不得語；或聞師教、父母教勅，斷其語，非其教；或作惡邪人，不信罪福破正語——地獄罪出，生世為人，啞不能言。如是種種因緣故啞。

**(四) 釋「狂者得正」**

**1、狂之因緣**

問曰：「狂者得正」，云何為狂？

答曰：

**(1) 先世因緣**

先世作罪，破他坐禪，破坐禪舍，以諸呪術呪人令瞋鬪諍姪欲。

<sup>92</sup> 《翻梵語》卷 4：「闍那迦藥王（譯曰成事）。」（大正 54，1008c14）

<sup>93</sup> 《大正藏》原作「從」，今依《高麗藏》作「復」（第 14 冊，153c5）。

<sup>94</sup> 稚=椎【明】。（大正 25，118d，n.23）

## 〔2〕今世因緣

今世諸結使厚重。如婆羅門失其福<sup>95</sup>田，其婦復死，即時狂發<sup>96</sup>，裸形而走。又如翅舍伽憍曇比丘尼，本白衣時，七子皆死，大憂愁故，失心發狂。<sup>97</sup>

有人大瞋不能自制，成大癡狂。

有愚癡人惡邪故，以灰塗身，拔髮裸形，狂癡食糞。

有人若風病、若熱病，病重成狂。

有人惡鬼所著，或有人癡飲雨水而狂<sup>98</sup>。

如是失心，如是種種名為狂。

## 2、見佛故狂即得正

得見佛故，狂即得正。

## 〔五〕釋「亂者得定」

### 1、何謂「亂」

問曰：「亂者得定」，(119a) 狂<sup>99</sup>則是亂，以何事別？

答曰：有人不狂而心多散亂，志如獼猴，不能專住，是名亂心。<sup>100</sup>

復有劇<sup>101</sup>務<sup>102</sup>忽忽<sup>103</sup>，心著眾事，則失心力，不堪受道。

### 2、亂之因緣

問曰：亂心有何因緣？

答曰：善心轉薄，隨逐不善，是名心亂。

復次，是人不觀無常，不觀死相，不觀世空；愛著壽命，計念事務，種種馳散，是故心亂。

復次，不得佛法中內樂，外求樂事，隨逐樂因，是故心亂。

### 3、見佛故亂心得定得正

如是亂人得見佛故，其心得定。

<sup>95</sup> 福＝稻【宋】【元】【明】【宮】。(大正 25, 118d, n.27)

<sup>96</sup> 婆羅門失田死婦而狂。(印順法師，《大智度論筆記》〔I027〕p.438)

出處待考。

<sup>97</sup> 翅舍伽憍曇比丘尼七子皆死而狂。(印順法師，《大智度論筆記》〔I027〕p.438)

出處待考。

<sup>98</sup> 參見 Lamotte (1944, p.488, n.3)：比丘道略集《雜譬喻經》(17) (大正 4, 526b20-c10)。

<sup>99</sup> 狂：2.瘋癲，精神失常。3.失卻常態，狂亂。7.愚頑。《書·多方》：“惟聖罔念作狂，惟狂克念作聖。”孔穎達疏：“狂者，下愚之稱。”8.迷惑。《詩·小雅·桑柔》：“自有肺腸，俾民卒狂。”鄭玄箋：“自有肺腸行其心中之所欲，乃使民盡迷惑也。”9.紛亂，胡亂。《荀子·王霸》：“愚者之知，固以少矣，有以守多，能無狂乎！”(《漢語大詞典》(五)，p.13)

<sup>100</sup> 參見 Lamotte (1944, p.489, n.1)：《雜阿含經》卷 12 (289 經)：「如獼猴遊林樹間，須臾，處處攀捉枝條，放一取一。彼心、意、識亦復如是，異生異滅。」(大正 2, 81c15-17)

<sup>101</sup> 劇＝遽【宋】【元】【明】【宮】。(大正 25, 119d, n.3)

<sup>102</sup> 劇務：1.繁劇的事務。(《漢語大詞典》(二)，p.748)

<sup>103</sup> (1) 忽：匆忙。(《漢語大字典》(四)，p.2281)

(2) 匆匆：1.急急忙忙的樣子。2.心不定貌，恍忽貌。(《漢語大詞典》(二)，p.180)



**（六）釋「裸者得衣」**

問曰：先言「狂者得正」，今言「裸者得衣」，除狂云何更有裸？

答曰：狂有二種：一者、人皆知狂；二者、惡邪故自裸，人不知狂。

如說：南天竺國中有法師，高坐說五戒義，是眾中多有外道來聽。

是時國王難曰：「若如所說，有人施酒及自飲酒，得狂愚報，當今世人應狂者多，正者少；而今狂者更少，不狂者多，何以故爾？」

是時諸外道輩言：「善哉！斯難甚深！是禿高坐，必不能答，以王利智故。」

是時法師以指指諸外道，而更說餘事，王時即解。

諸外道語王言：「王難甚深，是不知答，恥所不知，而但舉指更說餘事。」

王語外道：「高坐法師指答已訖，將護<sup>104</sup>汝故，不以言說；向<sup>105</sup>者指汝，言汝等是狂，狂不少也。汝等以灰塗身，裸形無恥，以人髑髏盛糞而食；拔頭髮，臥刺上，倒懸熏鼻；冬則入水，夏則火炙。如是種種所行非道，皆是狂相。<sup>106</sup>

復次，汝等法以賣肉賣鹽，即時失婆羅門法；於天祠<sup>107</sup>中得牛布施，即時賣之，自言得法；牛則是肉，是誑惑人，豈非失耶！

又言『入吉河<sup>108</sup>水中，罪垢皆除』，是為罪（119b）福無因無緣。賣肉、賣鹽，此有何罪？入吉河水中言能除罪，若能除罪，亦能除福，誰有吉者？如<sup>109</sup>此諸事，無因無緣，強為因緣，是則為狂。

如是種種狂相，皆是汝等；法師將護汝故，指而不說。是名為裸形狂。」

復次，有人貧窮無衣，或弊衣藍<sup>110</sup>縷<sup>111</sup>，以佛力故，令其得衣。

**（七）釋「飢者得飽，渴者得飲」****1、飢渴之因緣**

問曰：「飢者得飽，渴者得飲」，云何飢渴？

答曰：福德薄故，先世無因，今世無緣，是故飢渴。

復次，是人先世奪佛、阿羅漢、辟支佛食，及父母所親食；雖值佛世，猶故飢渴，以罪重故。

<sup>104</sup> 將護：2.衛護。（《漢語大詞典》（七），p.812）

<sup>105</sup> 向：12.剛才。《莊子·庚桑楚》：“向吾見若眉睫之間，吾因以得汝矣，今汝又言而信之。”（《漢語大詞典》（三），p.136）

<sup>106</sup> 參見《中阿含經》卷4（18經）《師子經》（大正1，441c14-442a13）。

<sup>107</sup> 祠（ㄘㄩˊ）：2.祭祀。4.祠堂，廟。（《漢語大詞典》（七），p.904）

天祠：祭祀天神之所。

<sup>108</sup> 吉河：即恆河。吉藏撰，《百論疏》卷上：「外道謂恆河是吉河，入中洗者便得罪滅，彼見上古聖人入中洗浴便成聖道故，就朝暝及日中三時洗也。《智度論》破云：河水既洗罪，亦應洗福也。」（大正42，247b3-6）

<sup>109</sup> 如+（是）【宋】【元】【明】【宮】。（大正25，119d，n.6）

<sup>110</sup> 藍=縵【宋】【元】【明】【宮】。（大正25，119d，n.7）

<sup>111</sup> 藍縷：1.破舊的衣服，亦形容衣服破舊。藍，通“襤”。《左傳·宣公十二年》：“篳路藍縷，以啟山林。”杜預注：“篳路，柴車。藍縷，敝衣。”（《漢語大詞典》（九），p.590）

## 2、為何有生惡世人得好飲食，值佛世生而飢渴

問曰：今有惡世生人得好飲食，值佛世生而更飢渴；若罪人不應生值佛世，若福人不應生惡世，何以故爾？

答曰：業報因緣，各各不同。或有人有見佛因緣，無飲食因緣；或有飲食因緣，無見佛因緣。

譬如黑蛇而抱摩尼珠臥，有阿羅漢人乞食不得。

又如迦葉佛時，有兄弟二人出家求道，一人持戒、誦經、坐禪；一人廣求檀越，修諸福業。至釋迦文佛出世，一人生長者家，一人作大白象，力能破賊。長者子出家學道，得六神通阿羅漢，而以薄福，乞食難得。他日持鉢入城乞食，遍不能得；到白象廐中，見王供象種種豐足。語此象言：「我之與汝，俱有罪過。」象即感結<sup>112</sup>，三日不食。

守象人怖，求覓道人，見而問言：「汝作何呪，令王白象病不能食？」

答言：「此象是我先身時弟，共於迦葉佛時出家學道。我但持戒、誦經、坐禪，不行布施；弟但廣求檀越作諸布施，不持戒，不學問。以其不持戒、誦經、坐禪故，今作（119c）此象；大修布施故，飲食備具，種種豐足。我但行道，不修布施故，今雖得道，乞食不能得。」<sup>113</sup>

以是事故，因緣不同，雖值佛世，猶故飢渴。

## 3、飢渴眾生云何而得飽滿

問曰：此諸眾生，云何飽滿？

答曰：有人言：「佛以神力變作食，令得飽滿。」

復有人言：「佛光觸身，令不飢渴。譬如如意摩尼珠，有人心念，則不飢渴，何況值佛！」

## （八）釋「病者得愈」

### 1、病有二種

「病者得愈」，病有二種：先世行業報故，得種種病。今世冷熱風發故，亦得種種病。今世病有二種：一者、內病，五藏<sup>114</sup>不調，結堅宿疹<sup>115</sup>。

二者、外病，奔車逸馬<sup>116</sup>，墜壓墜落，兵刃刀杖，種種諸病。

### 2、病之因緣

問曰：以何因緣得病？

答曰：先世好行鞭杖、拷掠、閉繫，種種惱故，今世得病。

現世病，不知將身<sup>117</sup>，飲食不節，臥起無常。以是事故，得種種諸病。

<sup>112</sup> 感結：謂心情鬱結。（《漢語大詞典》（七），p.614）

<sup>113</sup> 參見 Lamotte（1944, p.493, n.1）：比丘道略集《雜譬喻經》（3）（大正 4，523a7-27）。

<sup>114</sup> 藏＝臟【明】。（大正 25，119d，n.11）

<sup>115</sup> 疹＝疾【宋】【元】【明】【宮】。（大正 25，119d，n.12）

宿疹：舊病。疹，通“疢”。（《漢語大詞典》（三），p.1524）

<sup>116</sup> 逸馬：奔逃的馬。（《漢語大詞典》（十），p.1006）

**3、以佛神力故，病者得愈**

如是有四百四病<sup>118</sup>，以佛神力故，令病者得愈<sup>119</sup>。

如說<sup>120</sup>：佛在舍婆提<sup>121</sup>國，有一居士請佛及僧於舍飯食，佛住精舍迎食有五因緣：一者、欲入定，二者、欲為諸天說法，三者、欲遊行觀諸比丘房，**四者、看諸病比丘**<sup>122</sup>，五者、若未結戒欲為諸比丘結戒。

是時佛手持戶排<sup>123</sup>，入諸比丘房，見一比丘病苦，無人瞻視，臥大小便，不能起居。

佛問比丘：「汝何所苦？獨無人看！」

比丘答言：「大德！我性嬾，他人有病，初不看視；是故我病，他亦不看！」

佛言：「善男子！我當看汝。」

時釋提婆那民盥<sup>124</sup>水，佛以手摩其身。摩其身時，一切苦痛即皆除愈，身心安隱。是時，世尊安徐扶此病比丘起，將出房澡洗著衣，安徐<sup>125</sup>將入，更與敷褥令坐。

佛語病比丘：「汝久（120a）來不勤求未得事令得、未到事<sup>126</sup>令到、未識事令識，受諸苦患，如是方當<sup>127</sup>更有大苦！」

比丘聞已，心自思念：「佛恩無量，神力無數，以手摩我苦痛即除，身心快樂！」

以是故，佛以神力令病者得愈。

<sup>117</sup> 將：1.扶助，扶持。（《漢語大詞典》（七），p.805）

持：5.扶持，護持。（《漢語大詞典》（六），p.547）

將身：護持身體，調理保養身體，即調身。

<sup>118</sup> 《修行本起經》卷下：「人有四大：地水火風。大有百一病，展轉相鑽，四百四病。」（大正 3，466c20-21）

<sup>119</sup> 愈（ㄩˇ）：2.病情痊愈。3.指治好病。（《漢語大詞典》（七），p.630）

<sup>120</sup> 參見《十誦律》卷 28〈七法中衣法第 7 之下〉（大正 23，205a18-b25）。

<sup>121</sup> 婆提=衛【石】。（大正 25，119d，n.15）

<sup>122</sup> 參見 Lamotte（1944，p.495，n.1）：有關佛「看諸病比丘」事緣。另參見：

1、《增壹阿含經》卷 40（3 經）〈44 九眾生居品〉（大正 2，766b21-767b5）。

2、《生經》卷 3〈26 佛說比丘疾病經〉（大正 3，89b14-90a13）。

3、《菩薩本生鬘論》卷 4〈11 佛為病比丘灌頂獲安緣起〉（大正 3，342b10-c19）。

4、《法句譬喻經》卷 2〈18 刀仗品〉（大正 4，591b8-c16）。

5、《彌沙塞部和醯五分律》卷 20〈第三分之五衣法上〉（大正 22，139c8-25）。

6、《摩訶僧祇律》卷 28〈明雜誦跋渠法之六〉（大正 22，455a25-460a28）。

7、《四分律》卷 41〈衣撻度之三〉（大正 22，861b3-862b1）。

8、《十誦律》卷 28〈七法中衣法第七之下〉（大正 23，205a18-206a3）。

9、《大唐西域記》卷 6（大正 51，899b23-c1）。

<sup>123</sup> 《一切經音義》卷 58：「戶排（蒲皆反，謂木鑰開戶者也，如戶鈎等）」（大正 54，695b7）

<sup>124</sup> 盥=與【石】。（大正 25，119d，n.19）

盥（ㄍㄨㄢˋ）：6.泛指澆灌。（《漢語大詞典》（七），p.1472）

<sup>125</sup> 安徐：安詳從容。（《漢語大詞典》（三），p.1322）

<sup>126</sup> 《大正藏》原作「時」，今依《高麗藏》作「事」（第 14 冊，455b12）。

<sup>127</sup> 方當：猶將要，會當。（《漢語大詞典》（六），p.1568）

**（九）釋「形殘者得具足」**

**1、形殘之因緣**

「形殘者得具足」，云何名形殘者？

**（1）先世因緣**

若有人先世破他身，截其頭，斬其手足，破種種身分；或破壞佛像，毀佛像鼻，及諸賢聖形像；或破父母形像。以是罪故，受形多不具足。

復次，不善法報，受身醜陋。

**（2）今世因緣**

若今世被賊，或被刑戮，種種因緣以致殘毀；或風寒熱病，身生惡瘡，體分爛壞，是名形殘。

**2、蒙佛大恩，形殘皆得具足**

蒙佛大恩，皆得具足。

譬如祇洹中奴，字犍抵（犍抵，秦<sup>128</sup>言續也），是波斯匿王兄子；端正勇健，心性和善。王大夫人見之心著，即微呼之，欲令從己。

犍抵不從，夫人大怒，向王讒之，反被<sup>129</sup>其罪。王聞，即節節解之，棄於塚間；命未絕頃，其夜虎、狼、羅剎來欲食之。

是時佛到其邊，光明照之，身即平復，其心大喜；佛為說法，即得三道<sup>130</sup>；佛牽其手，將至祇洹<sup>131</sup>。

是人言：「我身已破、已棄，佛續我身，今當盡此形壽，以身布施佛及比丘僧。」

明日波斯匿王聞如是事，來至祇洹，語犍抵言：「向汝悔過！汝實無罪，枉相刑害，今當與汝分國半治。」

犍抵言：「我已厭矣，王亦無罪。我宿世殃咎，罪報應爾！我今以身施佛及僧，不復還也。」<sup>132</sup>

如是！若有眾生形殘不具足者，蒙佛光明，即時平復。是故言：乃至形殘皆得具足，蒙佛光明，即時平復。<sup>133</sup>（120b）

**八、眾生皆等心相視，等行十善，惔然快樂，如入第三禪，皆得好慧，持戒自守，不燒眾生**

**【經】**一切眾生皆得等心相視：如父如母、如兄如弟、如姊如妹，亦如親親<sup>134</sup>及善知

<sup>128</sup> 秦 = 此【明】。（大正 25，120d，n.10）

<sup>129</sup> 被：後作“披”。（《漢語大詞典》（九），p.55）

披：10.披露，陳述。（《漢語大詞典》（六），p.521）

「反被其罪」：猶言反譖其罪。譖（ㄖㄨㄥˋ）：讒毀，誣陷。（《漢語大詞典》（十一），p.419）

<sup>130</sup> 三道：三果。

<sup>131</sup> 洹 = 桓【石】。（大正 25，120d，n.15）

<sup>132</sup> 類似內容參見《根本說一切有部毘奈耶雜事》卷 26（大正 24，330b-c）。

<sup>133</sup> 參見 Lamotte（1944，p.497，n.1）：形殘不具足者，蒙佛即時平復。參見《根本說一切有部毘奈耶雜事》卷 26（大正 24，330b14-c12）。

<sup>134</sup> 親親：2.親屬，親戚。（《漢語大詞典》（十），p.350）

識。是時，眾生等行十善業道，淨修梵行，無諸瑕穢，愜<sup>135</sup>然快樂，譬如比丘入第三禪；皆得好慧，持戒、自守，不憍眾生。

**【論】**

**（一）釋「一切眾生皆得等心相視」**

**1、於一切眾生中無怨無恚，相視如父母，名為等心**

問曰：是諸眾生未離欲，無禪定，不得四無量心<sup>136</sup>，云何得等心？

答曰：是等，非禪中等，是於一切眾生中無怨無恚——以此等故，善心相視。

復次，等心者，經中有言：「云何等心？相視如父母，是名等心。」

**2、見老者如父母，長者如兄姊，少者如弟妹**

問曰：視一切眾生便是父母、兄弟、姊妹不？

答曰：不也！見老者如父母，長者如兄，少者如弟，姊妹亦爾。等心力故，皆如親親。

**3、云何非父母、非親親而言如父母、如親親**

問曰：云何非父母言父母？乃至非親親言親親？不墮妄語耶！

答曰：一切眾生無量世中，無非父母、兄弟、姊妹、親親者。

復次，實法相<sup>137</sup>中，無父母、兄弟；人著吾我，顛倒計故，名為父母、兄弟。今以善心力故，相視如父如母，非妄語也。

復次，如人以義相親，非父事之為父，非母事之為母，兄弟、兒子亦復如是。如人有子行惡，黜<sup>138</sup>而棄之；他姓善行，養以為子。

如是相視，則為等心。如說偈：

「視他婦如母，見他財如火，一切如親親，如是名等見。」

**（二）釋「眾生等行十善業道，淨修梵行，無諸瑕穢，愜然快樂，譬如比丘入第三禪」**

**1、釋「眾生等行十善業道」**

「是時，眾生等行十善業道」<sup>139</sup>者。

**（1）十善道之內容（身三、口四、意三）**

身業道三種：不殺、不盜、不邪淫；

口業道四種：不妄語、不兩舌、不惡口、不綺語；

意業道三種：不貪、不惱害、不邪見。

**（2）不自作、不教他作，稱讚、歡喜**

自不殺生，不教他殺，讚不殺者，見人不殺代其歡喜；乃至邪見亦有四種。<sup>140</sup> (120c)

<sup>135</sup> 愜（勿巧、）：通“愜”。恬靜，淡泊。（《漢語大詞典》（七），p.604）

<sup>136</sup> 無量心=等【石】。（大正 25，120d，n.18）

《大智度論》卷 20：「四無量心：慈觀眾生皆樂，悲觀眾生皆苦，喜觀眾生皆喜，捨是三心但觀眾生無有憎愛。」（大正 25，206a22-24）

<sup>137</sup> 法相=相法【宋】【元】【明】【宮】。（大正 25，120d，n.21）

<sup>138</sup> 黜（彳、）：3.擯棄。（《漢語大詞典》（十二），p.1359）

<sup>139</sup> 十善業道：身三、口四、意三，不自、不他、稱讚、歡喜。

業道分別：後三少從多，能起業，為業生。（印順法師，《大智度論筆記》〔A052〕p.89）

<sup>140</sup> 參見《雜阿含經》卷 37（1059 經）（大正 2，275c）。

**(3) 業與業道**

問曰：後三業道非業，前七業道亦業，云何言十善業道？

答曰：沒少從多故，通名業道。

後三雖非業，能起業；又復為業故生，是故總名業道。

**2、釋「淨修梵行、無諸瑕穢」**

「淨修梵行，無諸瑕穢」者。

**(1) 釋「淨修梵行」**

問曰：上說行十善業道<sup>141</sup>，此理已足，今何以復言淨修梵行？

答曰：有人行十善業道，不斷婬；今更讚此行梵天行，斷除婬欲故，言淨修梵行。

**(2) 釋「無諸瑕穢」**

「無諸瑕穢」者，行婬之人，身惡名臭，以是故讚斷婬人，言無諸瑕穢。

**3、釋「恬然快樂，譬如比丘入第三禪」**

**(1) 釋「恬然快樂」**

「恬然快樂」者。

**A、二種樂：內樂，涅槃樂**

問曰：此何等樂？

答曰：是樂二種：內樂，涅槃樂<sup>142</sup>。

是樂不從五塵生，譬如石泉，水自中出，不從外來。心樂亦如是，行等心，修梵行，得十善業道，清淨無穢，是名內樂。

**B、內樂欲界繫，涅槃樂不繫**

問曰：此樂何界繫？欲界繫、色界繫、無色界繫耶？

答曰：是樂欲界繫，亦不繫；非色、無色界繫。

**(A) 欲界繫**

今言「譬如比丘入第三禪」，若是色界繫，不應言「譬如」。以是事故知非色界繫。此欲界心生喜樂，一切滿身；譬如煖蘇<sup>143</sup>漬<sup>144</sup>身，柔軟和樂。

**(B) 不繫**

不繫者，得般若波羅蜜相，觀諸法不生不滅，得實智慧，心無所著，無相之樂，是為不繫。<sup>145</sup>

<sup>141</sup> 參見釋厚觀、郭忠生合編，〈《大智度論》之本文相互索引〉，《正觀》(6)，p.28：《大智度論》卷 8 (大正 25，120b25-c4)。

<sup>142</sup> 受：內樂 (欲界繫)，涅槃樂 (不繫)。  
受樂 (心中歡喜)，受盡樂 (涅槃樂五陰盡不生)。  
約三禪六識分別喜樂。

五識相應樂不滿足。(印順法師，《大智度論筆記》[ A059 ] p.99)

<sup>143</sup> 蘇：15.同“酥”。酥油。(《漢語大詞典》(九)，p.618)

<sup>144</sup> 漬 (ㄗㄨㄣˋ)：1.腌漬，浸泡。(《漢語大詞典》(六)，p.46)

<sup>145</sup> 不繫樂：觀法不生不滅，得實智慧，心無所著，無相之樂。(印順法師，《大智度論筆記》[ C019 ] p.219)

**(2) 釋「譬如比丘入第三禪」**

問曰：佛言涅槃第一樂，何以言第三禪樂？

答曰：

**A、心中歡喜，樂受滿足在第三禪中**

有二種樂：有受樂，有受盡樂。

**受盡樂**，一切五眾盡更不生，是無餘涅槃樂。

能除憂愁煩惱，心中歡喜，是名樂受；如是樂受滿足，在第三禪中。以是故言「譬如第三禪樂」。

**※ 初禪、二禪亦有樂受，何故但言第三禪樂受滿足**

問曰：初禪、二禪亦有樂受，何以故但言第三禪？

答曰：樂有上、中、下：下者初禪，中者二禪，上者三禪。

初禪有二種：樂根、喜根；五識相應樂根，意識相應喜根。

二禪中 (121a) 意識相應喜根。

**三禪意識相應樂根**。<sup>146</sup>

一切三界中，除三禪，更無意識相應樂根。

是五識不能分別，不知名字相，眼識生，如彈指頃，意識已生。<sup>147</sup>以是故，五識相應樂根不能滿足樂，**意識相應樂根能滿足樂**。<sup>148</sup>

以是故，三禪中諸功德少，樂多故，無背捨、勝處、一切入。<sup>149</sup>

**B、過三禪更無樂，故言如比丘入第三禪**

過是三禪更無樂，以是故言譬如比丘入第三禪。

**(三) 釋「皆得好慧，持戒、自守，不憍眾生」**

一切眾生「皆得好慧，持戒、自守，不憍<sup>150</sup>眾生」者。

**1、釋「皆得好慧」**

問曰：何以故次樂後，言「皆得好慧」？

答曰：人未得樂，能作功德；既得樂已，心著樂多故，不作功德！是故樂後次第心得好慧。好慧者，持戒、自守，不憍眾生。

<sup>146</sup>

「——喜根：意識相應。  
 「下：初禪——樂根：五識相應——不能分別，意識即生，不能滿足。  
 樂受┆中：二禪——喜根：意識相應。  
 ┆上：三禪——樂根：意識相應。(印順法師，《大智度論筆記》[A025] p.47)

《大毘婆沙論》卷 189：「當言樂根相應，謂依第三靜慮；當言喜根相應，謂依初及第二靜慮；當言捨根相應，謂依未至、靜慮中間、第四靜慮及四無色。」(大正 27, 948a5-8)

<sup>147</sup> 識：五識不能分別，不知名字，生如彈指頃，意識已生。(印順法師，《大智度論筆記》[A059] p.99)

<sup>148</sup> 參見智者大師，《釋禪波羅蜜次第法門》卷 5 (大正 46, 514b28-c17)。

<sup>149</sup> 第三禪：功德少，樂多，無背捨勝處一切入。(印順法師，《大智度論筆記》[A057] p.97) 參見《大毘婆沙論》卷 85(大正 27, 441b18-c10),《阿毘曇毘婆沙論》卷 45(大正 28, 342a8-23)。

<sup>150</sup> 憍(囧幺√)：煩擾，擾亂。(《漢語大詞典》(四)，p.407)

## 2、釋「持戒、自守，不燒眾生」

### (1) 持戒、自守、不燒眾生

問曰：持戒是名自守，亦名不燒眾生，何以故復言自守、不燒眾生耶？

答曰：身口善，是名持戒；檢<sup>151</sup>心就<sup>152</sup>善，是名自守，亦名不燒眾生。

一切諸功德，皆戒身、定身、慧身所攝。

言好持戒，是戒身攝；

好自守者，是定身攝；

不燒眾生，禪中慈等諸功德，是慧身攝。<sup>153</sup>

### (2) 言好持戒、好自守、不燒眾生之理由

問曰：亦無有人言不好持戒者，今何以言好持戒？

答曰：有如婆羅門著世界法者言：「捨家好持戒，是為斷種人。」又以自力得財，廣作功德，如是有福。出家乞食，自身不給，何能作諸功德？如是為呵好持戒。

亦有著世界治法道人，呵好自守者言：「人當以法治世，賞善罰惡，法不可犯，不捨尊親，立法濟世，所益者大，何用獨善其身，自守無事？世亂而不理，人急而不救！」如是名為呵好自守。

亦有人呵好不燒眾生者言：「有怨不能報，有賊不能繫<sup>154</sup>，惡人不能治，(121b)有罪無以肅<sup>155</sup>，不能却患救難，默然無益，何用此為！」如是為呵好不燒眾生。如說<sup>156</sup>：「人而無勇健，何用生世間，親難而不救，如木人在地！」如是等種種不善語，名為呵不燒眾生。

## 3、總說「皆得好慧，持戒、自守，不燒眾生」

是諸天人皆得好慧，持戒、自守，不燒眾生；行是善法，身心安隱，無所畏難，無熱無惱，有好名善譽，人所愛敬，是為向涅槃門。

命欲終時，見福德心喜，無憂無悔。

若未得涅槃，生諸佛世界，若生天上。

以是故言「得好慧，持戒、自守，不燒眾生」。

<sup>151</sup> 檢（ㄐ一ㄎˇ）：1.約束。（《漢語大詞典》（六），p.920）

<sup>152</sup> 就：1.趨，趨向。（《漢語大詞典》（二），p.1575）

<sup>153</sup> 禪中慈等功德，是慧攝。（印順法師，《大智度論筆記》〔A057〕p.97）

<sup>154</sup> 繫＝擊【元】【明】。（大正 25，121d，n.6）

<sup>155</sup> 肅：12.清除，平靖。（《漢語大詞典》（九），p.252）

<sup>156</sup> 說＋（偈）【元】【明】。（大正 25，121d，n.7）